

四庫全書

經部

欽定四庫全書

經部

禹貢錙指卷七

詳校官監察御史臣王爾烈

通政使司副使臣莫瞻菴覆勘

總校官庶吉士臣倉聖脉

校對官檢討臣龔大萬

謄錄監生臣左顥若

欽定四庫全書

禹貢錐指卷七

德清胡渭撰

荆及衡陽惟荊州

傳曰北據荆山南及衡山之陽正義曰以衡之南無復有名山大川可以爲記故言陽見其境過山南也渭按地理志禹貢南條荆山在南郡臨沮縣東北衡山在長沙國湘南縣東南今湖廣襄陽府南漳縣有

荆山本漢臨沮地衡州府衡山縣有衡山本漢湘南地也詳見導山

殷有荆而無梁爾雅漢南曰荆州注云自漢南至衡山之陽漢水出嶧冢梁州山也自嶧冢以東至大別凡在漢水之南者皆為荆州然則禹貢梁州之地荆亦兼之不盡歸於雍自大別以東江南之地為揚所侵而大別以西漢東之地亦皆入於豫荆州之境縮於東北而贏於西南殷因於夏所損

益可知也周禮正南曰荊州衡山雲夢江漢皆禹
貢荊州之山水唯其浸潁潁則有可疑鄭云潁出
陽城宜屬豫州在此非也潁未聞今按漢志潁水
出潁川陽城縣陽乾山東至下蔡入淮潁水見杜
預左傳注襄十六年晉楚戰於潁阪注云襄城昆
陽縣北有潁水東入汝水經注潁水出犍縣北魚
齒山東南流歷山下為潁浦春秋襄公十六年晉
伐楚楚公子格及晉師戰於潁阪楚師敗績遂侯

方城之外今水北山有長阪蓋即湛水以名阪故
有湛阪之名湛水又東南逕昆陽縣蒲城北而東
入汝杜預亦以是水為湛水周禮荊州其浸潁湛
鄭玄云未聞蓋偶有不照也今考地則不乖其土
言水則有符經文矣然湛與潁實皆在河南淮北
之地若割以屬荊則斗入豫域七八百里略似後
世郡國犬牙相制之形非帝王分疆建牧之意潁
湛二字或古文傳寫譌繆如兗州盧維之類未可

知也周承殷制亦有荆而無梁李巡注爾雅言雍兼梁地賈公彥疏周禮言雍豫並兼梁地而皆不及荆殆未察漢南曰荆之義耳蓋殷周之荆豫皆以漢水為界梁州漢北之地豫兼之漢南之地荆兼之其藩冢以西則雍兼之故二代無梁焉

漢志云周改禹徐梁二州合之於雍青顏注謂省徐以入青併梁以合雍諸儒皆從其說而林少穎獨疑之曰職方氏於青州其山鎮曰沂山其川淮

泗其浸沂沭則徐合於青無足疑者若夫雍州其
山鎮曰嶽山其澤藪曰弦蒲其川涇汭其浸渭洛
梁州之山川無一存者果何所據而謂梁合於雍
乎荊州其川江漢據江漢之水發源於梁由荊而
東至揚然後入於海今以江漢為荊之川則禹貢
之梁州其無合於職方氏之荊州乎按林氏此言
發前人所未發愚意實與之闇合

荊州之建國春秋時可考者楚夔聃權邛

與鄆州同

左傳桓十一年州蓼伐楚師杜注云州羅貳軫凡國在南郡華容縣東南今為監利縣地

九國戰國時屬楚而韓秦亦少得其地秦并天下

置南郡黔中長沙南陽

東境是

漢復置荊州

領郡八

後

漢魏晉並因之

晉領郡十九

唐為山南東道之江陵

州

竟陵

復

富水

郢

齊安

黃

漢陽

沔

夷陵

峽

巴東

歸

等

郡江南西道之江夏

郢

巴陵

岳

長沙

潭

衡陽

衡

零

陵

永

江華

道

桂陽

郴

邵陽

邵

武陵

朗

澧陽

澧

等郡

黔中道之黔中

黔

寧夷

思

涪川

費

盧溪

辰

盧陽

錦

靈溪

溪

潭陽

巫

清江

施

播川

播

夜郎

珍

義泉

夷

龍

標

業

溱溪

溱

等郡

又淮南道之安陸

安

義陽

中

及

嶺南道之連山

連

等郡

按以上通典所列連山郡

當出隸古南越

騎田嶺北為桂陽嶺南為連山

連山亦古南越地不當入荆域

黔

中寧夷涪川播川夜郎義泉溱溪七郡皆梁南徼

外蠻夷非古黔中地不在九州之限

元和志云黔州本漢涪陵

縣理晉永嘉後地沒蠻夷經二百五十六年至周保定四年涪陵蠻帥田恩鶴以地內附因置奉州

建德三年改為黔州大業三年又改為黔安郡因周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

外蠻夷非古黔中地不在九州之限

元和志云黔州本漢涪陵

縣理晉永嘉後地沒蠻夷經二百五十六年至周保定四年涪陵蠻帥田恩鶴以地內附因置奉州

建德三年改為黔州大業三年又改為黔安郡因周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

縣理晉永嘉後地沒蠻夷經二百五十六年至周保定四年涪陵蠻帥田恩鶴以地內附因置奉州

建德三年改為黔州大業三年又改為黔安郡因周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

建德三年改為黔州大業三年又改為黔安郡因周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

周隋州郡之名遂與秦漢黔中地犬牙難辨其秦

黔中郡所理在今辰州西二十里黔中故郡城是漢改黔中為武陵郡移理義陵即今辰州叙浦縣是後魏移治臨沅即今州是今辰錦叙樊溪澧朗施等州實秦漢黔中之地而今黔中及夷費思播隔越峻嶺東有沅江水及諸溪並合東注洞庭湖西有延江水一名涪陵江自牂柯北歷播費思黔等州北注岷江以山川言之巴郡之涪陵與黔中故地炳然分矣然則此五州及珍臻二州皆梁南徼外蠻夷今叙瀘重夔之江南諸縣及遵義府是也其東有峻嶺為限荆不當越此而西斗入六七百里總因黔中名亂嶺東嶺西諸州混而為一道杜氏遂有此誤叙州即巫州樊州即業州也

有當來屬者豫域襄陽之南潼漢東之光化及南

越始安郡全義縣嶺北之地是也

全義今為興安縣屬廣西桂林

府文獻通考云自荔浦以北為楚以南為越今靜江有中州清淑之氣荔浦相距纔百餘里遂入瘴鄉是天所以限楚越也此皆就當時風氣言之近志遂以桂林平樂二府為禹貢荊州之域恐未必然杜氏以始安平樂屬古南越為以今輿地言之是唯全義縣嶺北之地當入荊域

湖廣武昌漢陽安陸荊州岳州長沙衡州常德辰州寶慶永平十一府郴靖二州施州衛其襄陽府則唯南漳縣德安府則安陸雲夢孝感應城應山及隨州之南境廢光化縣地黃州府則黃岡麻城黃陂黃安四川則夔州府之建始廣西則桂林府

之全州

本漢零陵縣屬零陵郡隋改置湘源縣唐屬永州五代晉改曰清湘於縣置全州明

省縣入又改屬桂林

及興安縣嶺北之地

縣在府東北一百二十里越城嶺在

縣北三里

皆古荊州域也

荆之北界判自南漳縣之荆山山在縣西北八十里漳水所出其西為遠安興山北與梁接界荆山之西百餘里為景山水經沮水出漢中房陵縣注云出沮陽縣西北景山即荆山首也故淮南子曰沮出荆山元和志云沮水出房州永清縣西南景

山永清本漢房陵縣地也縣南一百一十三里有

建鼓馬駿二山並高峻又竹山縣西南三十五里

有白馬塞山益達歎為金城千里蓋皆景山之餘

脈矣南漳以東為荆門鍾祥京山

元和志大洪山在京山縣西北

二百里孤秀為衆山之傑

及隨州之南境廢光化縣地

光化故城在今

隨州東南三十餘里唐隨州管縣四通典云唯光化為荆域餘皆屬豫

又東為應山

縣縣北有義陽三關

見齊書州郡志義陽唐申州治也

一曰平靖

關

元和志云在安州應山縣北六十五里北至申州九十里東至百鴈關一百六十里申州今汝

寧府之信陽州也

一曰黃峴關

又名百鴈關元和志云在應山縣北九十里北至申

州九十里東至澧山關一百里

一曰武陽關

又名澧山關元和志云在應山縣東北一

百三十里北至申州一百五十里

即古之大隧直轅冥阨也

左傳定四

年吳伐楚自淮涉漢楚左司馬戍請還塞大隧直轅冥阨自後擊之大隧即武陽直轅即黃峴冥阨即平靖也三關又總名曰城口楚史皇所謂塞城口而入也冥亦作黽又作郟皆讀若盲

又東

為黃安縣有大活關白沙關

本唐黃岡麻城黃陂三縣地明嘉靖四十

二年析置黃安縣元和志云大活關在黃州黃陂縣北二百里東北至光州二百里西至安州澧山關一百里白沙關西至大活關六十里在州北二百四十里北至光州界二十五里

又東

為麻城縣有穆陵關陰山關

元和志穆陵關西至白沙關八十里在麻

城縣西北一百里北至光州一百四十九里陰山關西至穆陵關一百里在縣東北一百一里北至

光州殷城縣二百里按穆陵關在穆陵山上或曰齊之四履南至穆陵即此也定四年吳楚戰於柏

舉亦在縣界諸關依山為阻與荆山東西準望相直皆

荆豫接界處

荆之南界越衡山之陽大抵及嶺而止史記曰秦

有五嶺之成晉地理志曰自北徂南入越之道必

由嶺嶠時有五處故曰五嶺據水經注五嶺大庾

最東為第一嶺在揚域餘皆屬荆第二騎田嶺在

郴州南

即黃岑山亦名黃箱山今謂之臘嶺郴州水所出高千餘丈南接廣東陽山縣界北寒

南嶼氣候頓殊

第三都龐嶺在衡州府藍山縣南

亦稱都龐嶺即

黃蘗山龐音龍水經注作部龍南接廣東連州界鄧德明謂都龐在九真大謬

第四萌渚

嶺在永州府江華縣南

亦稱萌渚嶠即古臨賀嶺又名白芒嶺今名桂嶺高

三千餘丈南接廣西平樂府賀富川二縣界

第五越城嶺在桂林府興

安縣北五嶺之最西嶺也

亦稱越城嶠又名始安嶠

嶺北一百

三十里接寶慶府城步縣界經曰衡陽未知所極

然酈氏有言古人云五嶺者天地以隔內外

見水經温

水注韓退之曰衡之南八九百里地益高山益峻水

清而益駛其最高而橫絕南北者嶺中州清淑之氣於是焉窮藉此表界差為近理耳

荆之東界準揚約略言之蓋自麻城黃岡踰江而南為武昌縣又西南為通山咸寧崇陽通城又南為瀏陽醴陵攸縣茶陵又東南為興寧桂東桂陽又西南為宜章皆與揚分界處也

荆之西界經無可見今據戰國時巴楚分地約略言之蓋自巴東踰江而南為建始施州麻陽沅州又東南為黔陽靖州通道以訖於興安與貴州廣西接界

江漢朝宗于海

釋文朝直遙反

傳曰二水經此州而入海有似於朝百川以海為宗宗尊也正義曰老子云江海所以能為百谷王者以其下之是百川以海為宗鄭云江水漢水其流遄疾

又合為一共赴海也猶諸侯之同心尊天子而朝事
之王氏樵曰此僅六字耳而江漢趨海之勢如在目
前嘗於武昌夏口望之見其渺瀰奔瀉如人之有所
往而意專行速不遑他顧狀以朝宗傳水之神也渭
按揚之三江入海無壅故禹於此州疏江決漢至大
別合流雖去海尚遠而有朝宗之勢說者謂紀此以
該彼非也

江水自四川夔州府雲安縣東流經奉節巫山又

東出巫峽至巴東縣入荆域又東經歸州夷陵宜
都枝江松滋江陵公安澧州華容至安鄉會洞庭
之水又東經巴陵沔陽臨湘嘉魚又東北至江夏
西與漢陽分界漢水從西北來注之漢水自襄陽
府宜城縣南流入荆域又南經鍾祥荆門又東南
經潛江景陵沔陽又東經漢川又南至漢陽與江
水會又東歷武昌大冶至興國其北岸為黃州府
之麻城與揚接界此禹在荆時所治也

詳見導
漾導江

郭璞江賦云巴東之峽夏后疏鑿絕岸萬丈壁立
赧駁水經江水東逕廣谿峽注云三峽之首自昔
禹鑿以通江郭景純所謂巴東之峽夏后疏鑿者
入江水東逕西陵峽歷禹斷江注云南峽北有北
谷村兩山間有水清深潭而不流者舊傳言昔是
大江及禹治水此江小不足瀉水禹更開今峽口
水勢并衝此江遂絕謂之斷江今夷陵州西南有
斷江山是其遺跡金吉甫云三峽天險非入都通

道計不施工故不書非是蓋江之有三峽猶河之有龍門也禹治冀之河自龍門始則治荆之江亦必自三峽始

朝宗孔鄭義已備不必引周禮春朝夏宗為證鄭又云荆楚之域國有道則後服國無道則先彊故記其水之義以著人臣之禮此臆說也

九江孔殷

正義曰鄭云九江從山谿所出謂各自別源非大江

也下流合於大江耳晁氏曰洞庭九江也曾氏曰沅

漸元辰叙酉湘資醴水

元當作無蓋無訛為无又轉作元也漢志武陵無陽縣無

水首受故且蘭南入沅行八百九十里醴與澧同

皆合洞庭中東入于江是

為九江導江云過九江至於東陵今之巴陵巴陵之

上即洞庭也因九水所合遂名九江水經九江在長

沙下雋縣西北楚地記云巴陵瀟湘之淵在九江之

間是也程氏曰一江而名九江亦猶蟠岷蠡三大派

合為一流而經以三江總之即其例也若其九江之

所以名九當時必有所因不容鑿為之說渭按今岳

州府巴陵縣本漢下雋縣地

下雋故城在今武昌府蒲圻縣界

縣西

南有洞庭湖山海經云洞庭之山帝之二女居之是

常遊於江淵澧沅之風交瀟湘之浦

浦本作淵水經注引此作浦今

從之是在九江之間出入必以飄風暴雨楚地記本此

說文殷作樂之盛稱引易殷薦之上帝周禮陳其殷

又殷見曰同鄭注云殷衆也則殷有衆盛之義孔殷

謂衆水所會其流甚盛也

孔傳云江於此州分為九道正義曰傳以江是此
水大名謂大江分而為九猶大河分為九河也潯
陽記有九江之名雖名起近代義或當然陸氏釋
文曰九江尋陽地記云一曰烏白江二曰蠡江三
曰烏江四曰嘉靡江五曰畎江六曰源江七曰廩
江八曰提江九曰筭江張須元緣江圖云一曰三
里江二曰五州江三曰嘉靡江四曰烏土江五曰
白蚌江六曰白烏江七曰筭江八曰沙提江九曰

廩江參差隨水長短或百里或五十里始於鄂陵
終於江口會於桑落洲太康地記曰九江劉歆以
為湖漢九水入彭蠡澤也

湖漢九水
已見揚州

渭按秦始皇

滅楚以其都壽春置九江郡太史公曰余南登廬
山觀禹疏九江淮南子曰禹鑿江而通九路地理
志廬江尋陽縣下云禹貢九江在南皆東合為大
江王莽改豫章曰九江郡柴桑縣曰九江亭應劭
曰江自尋陽分為九郭璞江賦曰流九派乎尋陽

自西漢以迄東晉皆言大江至尋陽分為九江禹
之所疏鑿而尋陽記緣江圖又備列其名元和志
云江州尋陽郡禹貢揚荆二州之境揚州云彭蠡
既豬今州南五十二里彭蠡湖是也荊州云九江
孔殷今州西北二十五里九江是也彭蠡以東為
揚州界九江以西為荊州界此亦遵舊說九江孔
鄭異義而不言其處所諸家皆謂在尋陽其以洞
庭為九江者自宋初胡旦始而晁以道曾彥和皆

從之朱子九江辨曰九江若曰派別為九則江流
上下洲渚不一今所計以為九者若必首尾短長
均布如一則橫斷一節縱別為九一水之間當有
一洲九江之間沙水相間乃為十有七道於地將
無所容若曰參差取之不必齊一則又不知斷自
何許而數其九也况洲渚出沒其勢不常江陵先
有九十九洲後乃復生一洲是豈可以為地理之
定名乎此不可通之妄說也若曰旁計橫入小江

之數則自岷山以東入于海處不知其當為幾千
百江矣此又不可通之妄說也且經文言九江孔
殷正以見其吐吞壯盛浩無津涯之勢決非尋常
分派小江之可當又繼此而後及夫沱潛雲夢則
又見其決非今日江州甚遠之下流此又可以證
前二說者為不可通之妄說也九江即洞庭既有
山水二經為根據而又得朱子此辨其不在潯陽
亦明矣

尋陽記曰今蘄州界古蘭池城亦謂之潯水城即漢尋陽縣也通典曰尋陽舊縣在江北蘄春郡界今黃州府黃梅縣東北尋陽故城是也故班志云九江在其南東晉時溫嶠移縣於江南則九江在縣北矣緣江圖所云九江始於鄂陵終於江口會於桑落洲者今已無考桑落洲在九江府城東北五十里大江中鄂陵即武昌縣縣界有崢嶸洲蘆洲楊葉洲舊志云江入縣境播為三江過中洲至

雙柳夾又自崢嶸洲過磧磯至大洲為三江口疑

即其類又按水經注江水東逕軹

徒系反

縣故城南

城對五洲江中有五洲相接故以五洲為名漢軹

縣即今蘄水縣五洲江當在此縣界也寰宇記云

畎江五阜洲在黃梅縣南一百十里可考者唯此

而已唐藝文志有九江新舊錄三卷不知其書尚

存否此等沙水相間當時必實有但洲渚出沒不

常以近事驗之枝江百里洲至明嘉靖初江水衝

斷為二又江夏鸚鵡洲為東漢以來著名之古蹟
而崇禎中蕩決無存則九派之湮滅從可知已然
張須元云九江隨水參差長短則又犯朱子所駁
不知斷自何許而數其九者禹之命名必不以此
等洲渚也

九江至春秋時為江南之夢戰國時稱洞庭五渚
韓非子謂之五湖而九江之名遂隱傳記鮮有言
九江者及秦滅楚始置九江郡酈道元云秦立九

江郡治壽春縣兼得廬江豫章之地故以九江名

郡

見淮水注

是即尋陽之九江矣然洲渚參差長短其

在當時九派原不甚分明故鄭亦疑焉而有出自
山谿之說必求其水以實之則水經所稱巴水希
水赤水蘄水邗水富水等亦皆入江而初無總會
之處則自岷山以東至海小江千百何可勝數誠

有如朱子所言者

程泰之云古來名水不比後世錯雜如漾漢入江嘗得與江並

大而名為北江矣然其未入江時止得名漢不得
名江安有九小谿者望江未至而得名為江乎

此其說又不可通故劉歆以湖漢九水為九江此
九水者同注彭蠡以入大江謂之九江亦可然彭
蠡揚州之澤也而指為九江則荆之水而移於揚
矣其可乎禹貢之九江信非洞庭不足以當之也
宋儒所據以辨尋陽之九江者曰過九江至于東
陵今巴陵也夷陵一名西陵故此為東陵而漢人
則固自有其東陵矣地理志廬江郡下云金蘭西
北有東陵鄉淮水出淮當作灌雩婁縣下云灌水

北至蓼入決是也水經江水東逕西陵縣故城南

故城在今黃州府蘄州西又東逕下雒縣北今武昌府興國州東有下雒故城

邗水從東陵西南注之酈道元云江夏有西陵縣

故是言東尚書曰江水過九江至於東陵者也見江

注水又云灌水導源廬江金蘭縣西北東陵鄉大蘓

山金蘭蓋漢初有是縣中廢故志不書晉宋間復置故酈注據以為言按蓼縣故城在今河南光

州固始縣北灌水出金蘭縣西北之東陵鄉而東北至蓼縣入決水則金蘭當在固始之西南南直

黃梅之北矣薛士龍以為褚先生所謂神龜出於東陵在漢陽蘄州間非是

江灌之間嘉林之中蓋謂此也灌水東北逕蓼縣

故城西而北注決水

見決水注

江灌史記龜策傳作江

淮與漢志均為誤字也今按黃梅縣西南九十里

有蔡山西接廣濟縣界通典云廣濟縣蔡山出大

龜書曰九江納錫即此凡此類鑿鑿言之蓋秦漢

以來相傳之語不但東陵確有其所并大龜亦真

出此矣先入為主頗難搖動而愚以三事折之曰

巴陵臨江而金蘭之東陵去江六百餘里安得云

至于東陵一非也江自巴陵以東至沙羨即迪北

胡三省曰江水東流自武昌以下漸漸向北
蓋南紀諸山所迫陂陀之勢漸使之然也使九

江在尋陽東陵在金蘭則是先迪北而後至于東
陵二非也書江漢朝宗于海盡之矣而復於其下
流書九江孔殷不亦贅乎三非也朱子之辨昭昭
若揭日月敢以是為爝火之助云

水經湘水出零陵始安縣陽海山

即陽朔山也在
縣北湘離同源

分為二南為灘水北則湘川今廣西桂林府興安
縣本漢始安縣地山在縣南九十里應劭謂之零

山陵東北流逕長沙下雋縣西又北至巴丘山入於

江注云湘水會資沅微澧四水

微水從東來注于湘世謂之麋湖口

今巴陵縣東南微湖是也

同注洞庭而北會大江名之五渚戰

國策曰秦與荆戰大破之取洞庭五渚也

史記蘓代說燕

王云秦正告楚曰漢中之甲輕舟出於巴乘夏水而下江四日而至五渚

湖水廣圓五

百餘里日月若出沒於其中湖中有君山

一名湘山又名

洞庭山

編山相次去數十里迴峙相望孤影若浮所

謂三苗之國左洞庭者也巴丘山在湘水右岸山

有巴陵故城

本吳之巴邱邱閭也晉太原元年西立巴陵縣於此即今岳州府治

對長洲洲南廢湘浦北對大江三水所會謂之三

江口

在巴陵縣西北元和志云巴陵城對三江口岷江為西江澧江為中江湖湘江為南江

巴陵舊志云洞庭湖一名五湖又名三湖三湖者

洞庭之南有青草湖西有赤沙湖而洞庭周回三

百六十里南連青草西吞赤沙橫亘七八百里因

名三湖又謂之重湖重湖者一湖之內南名青草

北名洞庭有沙洲間之也今道出湖湘間者必問

津於洞庭洞庭吐納羣川而大江西來橫亘其口

每歲六七月間岷峨雪消水暴漲自荆江逆入洞

庭清流為之改色

瀕湖之縣巴陵居其東華容安鄉居其北常德府之龍陽居其

西沅江居其南長沙府之湘陰居其東南渭按周禮荊州無九江蓋已

包在數澤雲夢之中矣然自是九江之名遂不著

故或稱江南之夢或稱洞庭五渚或又稱巴丘湖

郭璞爾雅注云雲夢今華容縣南巴丘湖是也後

世既不知洞庭為九江見尋陽江中多沙水相間

處遂指其九江為九江而導山導江之文義皆不可得通矣太史公不敢言山海經然其中亦有可信者如謂澧沅瀟湘在九江之間賴此一語而九江遺跡猶可推尋其有造於禹貢不小也

曾氏說九江一曰沅

出牂柯且蘭縣東北注洞庭湖入江

二曰漸

一名

澧水出武陵索縣東入沅

三曰無

出牂柯且蘭縣東南入沅按說文無本古舞字故無水或

加水作濼又作澗

四曰辰

出武陵辰陽縣東入沅

五曰叙

一作序出武陵義陵

縣西北入沅

六曰酉

出武陵充縣東南入沅

七曰湘

已見前

八曰資

一作潰出零陵都梁縣東北入沅

九曰澧

出武陵充縣東北注洞庭湖入江

朱子

考定九江去無澧二水而易以瀟蒸一曰瀟江

亦名

營水出營陽冷道縣留山北流注湘水

二曰湘江三曰蒸江

漢志作承後漢

志作烝出邵陵縣界至臨承縣北東注于湘

四曰澧江五曰沅江六曰

漸江七曰叙江八曰辰江九曰酉江按朱子據導

江文江先合澧而後過九江故不數澧然澧實會

南江以東注洞庭非上流自入江也安得而不數

無字誤作元朱子以為亡是水故置之古無瀟水

酈道元云瀟者水清深也湘中記曰湘川清照五
六丈下見底石如檣蒲是納瀟湘之名矣然則瀟
湘猶言清湘非別有瀟源隋唐以後始謂瀟水出
九疑山北合湘水是曰瀟湘耳武陵零陵長沙之
水皆入沅湘如蒸水者頗多金吉甫云郴水亦入
湘舊不列九江未知與漸叙二水大小若何然則
朱子所更定亦未有以見其為必然也善乎林少
穎之言曰九江之名與其地世久遠不可強通然

各自別源而下流入江則可以意曉也斯真通人之見傅同叔云九江不必求其有九如太湖一湖而得名五湖昭餘祁一澤而得名九澤皆不可以數求也此說本程泰之恐又不然當時必實有九水會同故以為名但水道通塞離合古今不常自戰國時唯知有湘沅資微澧而名之五渚矣况後世乎與其出此入彼不若闕疑之為得耳

正義云江以南水無大小俗人皆呼為江或從江

分出或從外合來故孔鄭各為別解此說非也禹
貢山川豈有俗稱漢合於江而後謂之北江彭蠡
合於江漢而後謂之三江當其未合不得名江也
九水亦必俱會於洞庭而後謂之九江凡湘江沅
江等稱皆後世俗稱也不可以說經巴陵所對之
長洲禹時蓋未曾有江身與湘浦莽為一壑九江
即大江也特以其流為九水之所匯因號九江耳
九河主其分九江主其合河自一而分為九故曰

播江自九而合為一故曰殷當其未合非獨此九水不得冒江之名即漢與彭蠡不得冒江之名也孔殷傳云甚得地勢之中頗費解蔡氏云殷正也九江水道甚得其正蓋指其分處言之亦非經旨鄭康成云殷猶多也九江從山谿所出其孔衆多孔字作孔竅解則涉於怪矣今竊取朱子吐吞壯盛浩無津涯之義以釋孔殷而從說文訓盛視舊說差覺穩當

沱潛旣道

說文沱徒河反潛捷廉反滑按
潛史記作涪漢書作瀾後同

傳云沱江別名正義曰導江言東別為沱是沱為江
之別名也釋水云水自江出為沱漢為潛滑按詩召
南曰江有沱荊州之沱也一在江北寰宇記江自枝
江縣百里洲首派別北為內江者是一在江南水經
注夷水出魚復縣江至夷道縣北東入江者是潛水
或云在今安陸府鍾祥潛江二縣境然漢東之地津
渠交通未知孰為古潛水黃文叔云自後世通渠漢

川雲夢之際禹跡固多湮沒誠然

水經注江水自夷道縣北

今宜都縣西有夷道故城

又東逕上

明城北

晉荊州刺史桓冲築此城移州治焉在今松滋縣界

江汜枝分東入

大江縣治洲上故以枝江為稱

今枝江縣東北六十里有百里洲

襄百里與江陵分轄枝江故城在縣東

地理志曰江沱出西南東入

江是也

志無南字疑此行

江水又東會沮口又南逕江陵

縣南縣江有洲號曰枚迴洲

洲在縣西南六十里枚或作枝

江水

自此兩分而為南北江寰宇記云百里洲首派別

南為外江北為內江王晦叔云枝江縣百里洲夾江沱二水之間其與江分處謂之上沱與江合處謂之下沱渭按南江在古時為岷江之經流北江為沱南江自枝江縣南又東逕公安縣西又東南流為涪水

隋志松滋縣有涪水蓋東與公安接界

九歌望涪陽兮極

浦橫大江兮揚靈王逸注云涪陽江碕名附近郢即此水之北也涪水入澧州界為四水口歷州之東北又東南合澧水經華容縣南入赤沙湖又東

南逕安鄉縣西而東南入洞庭湖與北江會此即
禹導江東至於澧過九江至於東陵之道也北江
自枝江縣北又東逕松滋縣北又東逕江陵縣南
又東逕公安縣北又東逕石首縣北又東逕監利
縣南夏水出焉北江又東至巴陵縣西北會洞庭
之水此即江北之沱寰宇記所謂內江者也其後
北江之流漸盛而南江日微世反以南為沱北為
江說者遂謂東至于澧不可解以澧水北去江二

百餘里故也詳見導江

正義引鄭注云今南郡枝江縣有沱水其尾入江耳不於江出也華容有夏水首出江尾入沔蓋此所謂沱也渭按枝江沱水為江洲所隔而成何言不於江出華容夏水自江陵縣東南首受北江東北流逕監利沔陽與潛江縣分界又東北至京山縣東南而注于漢此本沱水歧分而為夏非出於大江鄭以為沱者蓋北江久已盛大世目為岷江

之經流因以其所出者為沱耳禹時無此沱也不
可從

漢志南郡巫縣夷水東至夷道入江過郡二行五

百四十里

今巫山縣東北
有巫縣故城

水經夷水出巴郡魚復

縣江

今奉節縣西十五
里有魚復故城

東南過很山縣南

今長陽
縣西有

很山
故城

又東過夷道縣北

今宜都縣西
有夷道故城

東入于江注

云夷水即很山清江也

江水注謂
之夷谿

水色清照十丈

分沙石因名清江昔廩君浮此水據捍關而王巴

捍與扞同是以法孝直有言魚復扞關臨江據水實益

州禍福之門夷水又東逕建平沙縣沙下當有渠字江水篇云

鳥飛水北流逕建平郡沙渠縣南元和志施州清江縣本漢南郡巫縣地吳沙渠縣也縣有

巫城南岸水山道五百里其水歷縣東自沙渠入

很山縣水流淺狹裁得通船又東逕很山縣故城

南縣即山以名孟康曰音恒今世以銀為音南對長楊溪溪水出西南

射堂村谷中石穴北流注於夷水隋改很山曰長楊以溪得名唐

又改楊又東北逕夷道縣北又東逕宜都縣北今

為陽

治即宜
都故城

東入大江有涇渭之比亦謂之很山北溪

渭按夷水首出魚復江尾入宜都江行五百餘里

是亦荊州之沱也古時自巴入楚避三峽之險皆

由此路史記張儀說楚王曰秦西有巴蜀大船積

粟起於汶山浮江以下至楚三千餘里舫船載卒

一日行三百餘里不至十日而拒扞關扞關驚則

從境以東盡城守矣黔中巫郡非王之有

黔中漢
為武陵

郡即今常德府巫郡漢為巫縣即今
巫山巴東建始三縣及施州衛地也此言舟師由

夷水入楚也何以知之楚世家肅王四年蜀伐楚
取茲方於是楚為扞關以拒之後漢書李熊說公

孫述曰東守巴郡拒扞關之口徐廣曰巴郡魚復

有扞水扞關

後漢志同

章懷太子賢曰扞關故基在今

峽州巴山縣寰宇記云廢巴山縣在長陽縣南七

十里即古捍關是也

唐志巴山縣隋分很山縣置天寶八載省入長陽

水

經注江水自江關東逕弱關捍關

江關在今奉節縣東瞿唐峽口

注云弱關在建平秭歸界秭歸今歸州也蓋大江

出三峽逕弱關江沱出很山逕捍關劃然兩道儀
言浮江以下拒捍關則不經巫峽明矣夷水受江
處不知何時日就墮塞後漢建武中公孫述遣將
田戎等乘枋箬下江關拔夷道夷陵光武命岑彭
吳漢伐之彭擊破戎等率舟師長驅入江關漢留
夷陵裝露橈船將三萬人泝江而上則皆取道於
三峽而不復由夷水矣蓋其時水已淺狹不勝戰
艦自後荆梁有事苟用舟師未有不由峽江者然

酈注云沙渠裁得通船則後魏時水道猶存下逮唐初建始之北遂成斷港故章懷注西南夷傳云

今施州清江縣夷水一名鹽水源出縣西都亭山

清江廢縣亦在長陽縣界

寰宇記云夷水自施州開蠻界流入

長陽縣明一統志云夷水源出舊施州開蠻界流

經建始巴東長陽至宜都入江蓋不復知此水出

西北奉節之大江而以為西南施州衛之山源矣

其所謂都亭山者即在開蠻界也然自漢志已不

言首受江未知何故班氏疎略頗多水經注原委
詳明而又有張儀之言以為證無可疑者禹導江
自梁入荆必浮此水也

陸氏釋文馬云其中泉出而不流者謂之潛言泉
出則可言不流則非韻會潛水伏流也左思蜀都
賦演以潛沫劉逵注云水潛行曰演此二水伏流
故曰演以潛沫荆州之潛雖不如出龍門石穴之
奇亦必漢水伏流從平地涌出故謂之潛承天府

志云漢水自鍾祥縣北三十里分流為蘆伏河經
潛江縣東南復入於漢即古潛水也按潛江縣本
漢竟陵江陵二縣地唐大中十一年置徵科巡院
於白泚見寰宇記宋乾德三年升為潛江縣韻會泚伏
流也或作泚今漢水之分流者名蘆伏而其地又
名白泚在縣西四十里皆取伏流之義此水起鍾祥縣北
訖潛江縣東南行可三百里以為古之潛水庶幾
得之蓋禹時本自伏流涌出復入于漢及乎後世

通渠漢川雲夢之際

見河渠書

則開通上源以資舟楫

之利禹迹遂不可考耳其他沔陽漢陽之境凡漢水枝津大抵皆通渠者之所為志家槩指為潛水真妄談不足信

王晦叔曰隋志南郡松滋縣有泚水泚即古潛字故史記云沱泚既道今松滋分為潛江縣矣渭按松滋之泚乃大江分流首尾皆與漢無涉安得因史記作泚而以此水當之潛江縣在江北本竟陵

江陵二縣地亦非析松滋置也並誤

正義曰孔梁州注云沱潛發源此州入荊州以二
州沱潛為一者蓋以水從江漢出皆曰沱潛但地
勢西高東下雖於梁州合流還於荊州分出猶如
濟水入河還從河出耳蘇傳曰以安國穎達之言
考之味別之說古人蓋知之久矣梁荆相去數千
里非以味別安知其合而復出邪林少穎云據爾
雅是凡水之出於江漢者皆有此名出於荆者荆

之沱潛也出於梁者梁之沱潛也不必有合流味
別之說斯言足以正孔蘇之謬

雲土夢作又

釋文雲徐本作云夢亡弄
反一音武仲反徐莫公反

傳曰雲夢之澤其中有平土丘水去可為耕作畎畝
之治正義曰此澤既大其內平土有高丘也渭按雲
土夢漢書作雲夢土史記水經注並作雲土夢沈括
筆談云石經倒土夢字唐太宗得古本尚書乃雲土
夢作又詔改從古本雲夢澤名也方八九百里之中

有澤有湖有土而江沱潛漢亦灌注於其間職方主
藪澤禹貢主土田孔子曰夫言豈一端而已夫各有
所當也雲夢土作又謂江漢九江沱潛之功畢則水
去而雲夢之土已耕治也

雲夢經傳諸書有合稱者有單稱者周禮荊州藪
澤曰雲薈爾雅十藪楚有雲夢呂覽淮南子同戰
國策楚王游於雲夢結駟千乘宋玉高唐賦曰楚
襄王與宋玉遊於雲夢之臺司馬相如子虛賦曰

雲夢者方八九百里此合稱雲夢者也左傳定四年楚子涉睢濟江入于雲中此單稱雲者也宣四年邾夫人棄子文于夢中昭三年楚子以鄭伯田江南之夢宋玉招魂曰與王趨夢兮課後先此單稱夢者也單稱特省文耳雲可該夢夢亦可該雲故杜元凱注夢中云夢澤名江夏安陸縣東南有雲夢城則夢在江北注雲中云入雲夢澤中所謂江南之夢則雲在江南注江南之夢云楚之雲夢

跨江南北則南雲北夢單稱合稱無所不可絕無
江北為雲江南為夢之說自唐太宗詔改此經為
雲土夢作人而穎達引左傳以為之說曰此澤亦
有單稱雲單稱夢經之土字在二字之間蓋史文
兼上下也司馬貞史記索隱亦云雲夢本二澤人
以其相近或合稱雲夢宋沈括羅泌易祓郭思鄭
樵洪邁洪興祖等襲其說而為之辯曰雲在江北
夢在江南而古注棄若塵蕘矣蘇子瞻申疏意云

雲與夢二土名也而云雲土夢者古語如此猶曰
玄纒縞云爾此於文義頗不順故王氏更為之解
曰雲之地土見而已夢之地則非特土見草木生
之人有加功乂之者矣蔡氏云雲夢之澤地勢有
高卑故水落有先後人工有早晚也自後無不遵
此說今按史記賈誼傳云長沙卑溼巴陵故長沙
下雋地也諸湖萃其西南安得為特高江北雖亦
有湖澤然楚都及漢東諸國皆在焉豈反卑於江

南此事理之難信者若從石經本則傳云澤中有土可以耕作義甚愜當愚嘗反復於斯而覺太宗此一改殊多事不若仍舊之為得也

漢志南郡華容縣雲夢澤在南荊州穀編縣有雲夢宮江夏西陵縣有雲夢宮華容今監利石首二縣監利在江北石首在江南編縣今荊門州西陵今蘄州及黃岡麻城皆在江北水經注云雲杜縣東北有雲夢城

見沔水

雲杜今京山縣又云夏水東

逕監利縣南縣土卑下澤多陂陁西南自州陵東
界逕於雲杜沌陽為雲夢之藪韋昭曰雲夢在華
容縣郭景純言縣東南巴丘湖是江南之夢杜預
曰枝江縣安陸縣有雲夢蓋跨川巨隰兼苞勢廣
矣見夏水州陵今沔陽州沌陽今漢陽縣也元和志
云雲夢澤在安陸縣南五十里東南接雲夢縣界
以上諸州縣皆在江北由是言之東抵蘄州西抵
枝江京山以南青草以北皆為雲夢孔疏云雲夢

一澤而每處有名者子虛賦云雲夢者方八九百里則此澤跨江南北每處存名焉此說是也賦家之言華而不實唯此語為可信然上文云楚有七

澤其小小者名曰雲夢則仍是浮夸之習

七澤疑即雲夢

之別名如雲連徒洲之類

傳云雲夢之澤在江南大誤穎達順傳為義曰左傳楚子與鄭伯田於江南之夢是雲夢之澤在江南也已又欲遵詔改之文則曰此澤跨江南北亦

得單稱雲單稱夢及解作又復與傳同首尾橫決
殊為可笑爾雅之雲夢所包亦廣而郭景純以巴
丘湖當之蓋本漢志然彼華容之外尚有編縣西
陵之雲夢郭唯舉此湖則遺漏多矣

左傳吳師五戰及郢楚子涉睢濟江

睢即沮水
古字通

於雲中盜攻之遂奔郢又奔隨沈存中云郢即今
之安州涉江而後至雲入雲然後至郢則雲在江
北也因以江南之夢為證渭按吳師自東來故昭

王自郢西走至枝江縣界涉睢濟江而南東行入

雲中杜注以為江南之夢則雲中在江南明甚

即今

石首華容等處

沈意謂奔郢時自江南涉江而北至雲誤

矣傳稱江南之夢對江北之夢言非謂江北為雲

江南為夢也

劉昭曰巴邱湖江南之雲夢

杜注極其分明總由

經文一改說者必欲判雲夢為兩地故有此誤或

曰古注誤者亦多何以知杜說為必然曰方吳之

勝楚也循江北岸而西昭王若東走則遺之禽矣

迨入郢處宮之後始可從東道奔鄖耳涉睢是西

行濟江乃南渡所入之雲中必不在江北也鬪伯

比淫於邳子之女

邳國名字亦作鄖

生子文邳夫人使棄

諸夢中邳子田見之邳都即今安陸縣

德安府治

西南

距巴邱可五百里計夫人棄此兒當在近地豈使

涉江而南邳子所田亦必非江南之夢以是知元

凱之精覈而唐宋諸家之說為鹵莽也

邵氏簡端錄云雲夢澤歟非澤也非澤而以為澤

何居雲夢皆土也當是時洪水懷山襄陵何有於雲夢哉水聚焉而為澤因名之宜也於是而土焉于是而又焉雲夢之宜也不然宜澤而土且又其將能乎縱能之其得謂之行所無事乎周職方荊州澤曰雲夢蓋兼洞庭有之渭按雲夢之地雖不盡為澤然大勢卑下鍾水獨多故職方目之曰數澤夏秋潦集為澤霜降水涸為數其淵深而四時不竭者則謂之湖自剖判以來有之非待懷襄始

然亦非禹功既遠至周時胥化為湖澤也傳云澤
中有平土高丘水去則可以耕作最有分剝土其
所固有氾濫之水去而民乃作又依然行所無事
也經於此特揭一土字正以其水多而土少耳若
大陸萊夷蒙羽岷嶓則直書曰作曰藝奚必更言
土哉

或問江南之夢果為巴邱湖湖其可田乎曰孫光
憲北夢瑣言云湘江北流至岳陽達蜀江夏潦後

蜀江漲過住湘波溢為洞庭湖凡數百里而君山
宛在水中秋水過此山復居於陸唯一條湘川而
已岳陽風土記云青草湖夏秋水泛與洞庭為一
水涸則此湖先乾青草生焉巴陵舊志云赤沙湖
當夏秋水泛則與洞庭為一涸時唯赤沙彌望縣
東南又有滢湖一名翁湖又名閤子湖趙冬曦滢
湖詩序曰滢湖者沅湘澧汨之餘波夏潦奔注則
洑為此湖冬霜既零則涸為平野諸湖迎冬輒涸

茂草叢生禽獸居之此其所以可田也然則九江亦洄乎曰九江指湘水入江之口回聚淵深四時不竭者愚嘗謂禹時湘浦未有沙洲江身與九水之尾混為一壑故得稱九江非統三湖言之水經云九江在下雋縣北蓋即楚辭所謂北渚南史所謂三湘浦也

厥土惟塗泥厥田惟下中厥賦上下

傳曰田第八賦第三人功修林氏曰土雖與揚州同

而地勢稍高故田加于揚州一等

厥貢羽毛齒革惟金三品

渭按毛漢書作旄

傳曰土所出與揚州同正義曰揚州先齒革此州先羽毛者蓋以善者為先由此言之諸州貢物多種其次第皆以當州貴者為先也林氏曰揚先金三品而此先羽毛齒革揚先齒革而此先羽毛孔氏謂以善者為先薛氏謂以多者為先二說皆通按職方揚州其利金錫荊州其利丹銀齒革則荆揚之產不無優

劣可見矣。渭按楚語王孫圉曰：楚之所寶，齒、角、皮革、羽毛，所以備賦，用以戒不虞者也。韋注云：角，所以為弓弩齒象；齒，所以為弭皮、虎豹皮也；所以為茵韃革犀兕也；所以為甲冑、羽鳥羽也；所以為旌毛、旄牛尾。所以注竿首，觀於此言，則羽毛、齒、革，信為荆產最良，而其為用亦大略可覩也。

左傳晉重耳對楚子曰：羽毛、齒、革，君地生焉，其美於揚信矣。然周禮言荆州之利有齒、革而無羽毛。

左傳鄭聲子曰如杞梓皮革自楚往也荀子曰楚人鮫革犀兕以為甲鞞如金石則楚之齒革亦美不知何以獨後於羽毛意者孔翠旄牛之屬皆出徼外物貴而致之亦難而揚之羽毛則唯取諸境內之鳥獸此其所以有先後之殊也與

揚州傳以毛為旄牛之尾今按地理志言蜀西近邛笮馬旄牛師古曰邛笮之地出馬及旄牛故蜀郡有旄牛縣後漢書云冉駹夷出旄牛是也今甘

肅臨洮亦有之皆去揚絕遠唯荆則來自梁域較
易耳然雍梁又不以為貢殊不可解

爾雅曰南方之美者有梁山之犀象焉地理志言
南粵近海多犀象陶弘景注名醫別錄云犀出武
陵交州寧州諸遠山蘇頌圖經本草曰今象多出
交趾潮循諸州世傳荆蠻山中亦有野象然楚粵
之象皆青黑惟西方拂林大食諸國乃多白象樊
綽雲南記備言其事渭按象犀嶺南皆有之荆揚

致此並易齒革二物當無優劣也

犀革為甲

吳語奉文犀之渠韋注謂楯也吳都賦云戶有犀渠是犀革亦可以飾楯牛

尾為旌旄此用之必不可已者也詩小雅曰象弭

魚服禮記玉藻曰孔子佩象環五寸楚辭離騷曰

雜瑤象以為車則象齒中器服之飾後世又有用

為牀者戰國策孟嘗君至楚獻象牀注云象齒為

牀是也至其所謂羽者傳但云烏羽韋昭國語注同而疏

以孔雀翡翠當之

南方異物志云孔雀出交趾雷羅諸州南人生斷其尾以為方

物按左傳楚子翠被豹舄鄭子臧好聚鷓冠鷓即翠鳥

九歌曰孔蓋兮翠旒與旒同注云言以孔雀之翅為

車蓋翡翠之羽為旗旒也招魂曰砥室翠翹挂曲

瓊些翡翠珠被爛齊光些又曰翡翠帳飾高堂

些李斯諫逐客書曰建翠鳳之旗此皆衰世之事

不見於經古風淳樸不知有此等否竊謂雉羽文

明可用為儀說文雉伊洛以南曰翬江淮而南曰

搖雉鷄徐鉉曰古名雉為翟鄭康成周禮注云伊

雉而南素質五色皆備成章曰翬江淮而南青質
五色皆備成章曰搖故王后五路有重翟厭翟六

服有揄狄闕狄

通作翟

盖羽畎夏翟不足以供其用

而南方之翬搖亦必取給焉又有鶯雉爾雅所謂

鶯山雞者周書謂之采雞一名鷓鴣出南粵諸山

中湖南湖北亦有之周有鶯冕漢有鷓鴣冠皆以

其羽為飾王會解蠻揚之翟注云揚州之蠻貢翟

鳥經所言恐只是此類聖人不貴難得之貨未必

用孔翠之屬也

管子曰金起於汝漢韓子曰荆南之地麗水之中
生金此黃金也周禮荊州曰其利丹銀此白金也
左傳鄭伯朝于楚楚子賜之金既而悔之曰無以
鑄兵遂以鑄三鐘此赤金也三品荆皆有之楚語
王孫圉言金生雲連徒洲之藪而周禮獨言銀則
銀必多且美按後魏書銀出始興陽山縣又出桂
陽陽安縣元和志銀坑在郴州平陽縣南三十里

所出銀至精俗謂之僞子銀別處莫及通典衡巫
二州貢麩金邵州貢銀皆荆域也而嶺南桂賀昭
潯高廉端柳等二十四州出銀作貢並在荆之徼
外壤地密邇得之甚易此職方所以獨稱銀與
王氏日記云古者以珠玉為上幣黃金為中幣刀
布為下幣三幣握之則非有補於暖也食之則非
有補于飽也先王以守財物以御人事而平天下
則有時而用焉其取之有時其用之有節其貢也

致之邦國而天子無私求與私藏也周之衰荆揚
之貢金不入而周王求之於魯春秋譏之漢元帝
時貢禹請罷採珠玉金銀鑄錢之官毋復以為幣
租稅祿賜皆以布帛及穀使百姓一意農桑貢禹
之言固先王之意也然泉貨所以交通百物布帛
不可以尺寸分裂禹因後世之弊而遂欲廢先王
之制幣則過矣渭按此論甚正莊子稱聖人捐金
於山藏珠於淵不過寓言以諷世主之奢靡而實

非事情使其果然則禹貢非聖人之書矣捐金藏珠謂不自採取則可并邦國之貢亦却之而唯以布帛菽粟相授受堯舜中正之道不如是也

柶榦栝柏

釋文柶勑倫反徐勑荀反又作榦榦本又作榦故旦反栝古活反

傳曰榦栝也栝葉松身曰栝正義曰榦為弓榦考工記云弓人取榦之道七以栝為上知此榦是栝也釋木云栝柏葉松身陸璣毛詩義疏云柶栝栝漆相似如一則柶似栝漆也柶栝柏皆木名也以其所施多

矣柘木惟用為弓榦弓榦莫若柘木故舉其用也顏氏曰柘木似樗而實曾氏曰揚州貢木不言名者不可勝名也此言柘榦栝柏其所貢止此耳金氏曰榦材中弓弩之榦周官所謂荆之榦是也渭按考工記弓榦柘為上櫪次之檠桑次之橘次之木瓜次之荆次之竹為下林氏謂不必專指柘凡木可以為弓榦者皆是似勝舊說蓋榦材頗多不可徧舉故括之曰

榦

說文云柁木也夏書曰柁榦栝柏或以熏作榦又云柁柁也左傳孟莊子斬其柁以為公琴杜注云

柁木名柁也琴材徐鍇曰柁木似樗與樗同中車輶

實不堪食柁又作椿蘇恭曰椿樗二樹形相似但

樗疎椿實為別也蘇頌曰椿木實而葉香樗木疎

而氣臭樗窠無用莊子所謂其木擁腫不中繩墨

小枝曲拳不中規矩者李時珍曰椿樗樗一木而

三種樗樗皆不材之木不似椿堅實可入棟梁也

涓按杫種檣椿為一木字異而音義並同杫與檣
杫雖相似而檣杫不材貢之何為則杫與檣杫實
異種也杫一作檣蓋椿葉香故從熏杫之為椿明
矣其材大抵中琴中車轅蘇傳曰杫柘也以為弓
榦是以杫榦為一木考諸書無言杫即柘中弓榦
者恐非

爾雅樅松葉柏身檜柏葉松身說文同而枯作格
解云槩也一曰矢枯槩弦處檜亦音古活切集韻

云檜古作楸通作枯書杵榦枯柏爾雅翼云檜性

耐寒其材大可為棺槨及舟

詩曰檜楫松舟左傳曰棺有榦檜

今

人謂之圓柏韻會引字說云檜柏葉松身則葉與

身皆曲樅松葉柏身則葉與身皆直樅以直從檜

以曲會李時珍本草曰檜葉尖硬亦謂之枯今人

名圓柏以別於側柏茅氏匯疏云澠水燕談載毫

州法相禪院矮檜一郡珍玩目其寺曰矮枯似枯

檜一也涓按傳訓枯與爾雅檜同說文解檜如爾

雅而格下不復出則枯檜實一木北音讀枯為古
外切故又有木旁从會之字枯乃柏之類葉扁而
側生者為柏俗謂之側柏葉尖硬而向上者為枯
俗謂之圓柏

王氏日記云古荆揚之木貢有則貢之棟宇器用
有所須則用之甚儉而易供也後代有營繕則工
師求大木至於深山窮谷人跡不到之處懸崖吊
橋艱難萬倍比至深澗必待夏秋洪水泛漲方抵

大江嗚呼林麓盡矣帝省其山則何辭以對是故
禹卑宮室而作訓以峻宇彫牆為戒豈非人君之
所當守哉

韓非子稱堯舜茅茨不翦采椽不斲土階三尺其
言或太甚當時未必若是之樸陋然禹卑宮室固
堯舜家法後世陵雲槩日之構我知其無有也荆
揚貢木或以為其中有宮室之用余按魯頌曰徂
來之松新甫之柏商頌曰陟彼景山松柏丸丸皆

言作寢廟事可見古人之宮室唯以松柏為之不
須奇木而周禮冀州之利曰松柏則帝都附近之
地供之而有餘何必遠取諸他州竊意岱畎之松
嶧陽之桐及荆之杞榦栝柏皆器用之材而揚之
貢木雖多亦未必有楸楠豫章合抱之木長至十
餘丈者也大禹作貢必不貽害於民後世採巨木
者輒求之楚蜀深山之中林麓盡而民力與之俱
盡此義明庶乎其知儆矣

礪砥砮丹

釋文礪力世反砥音脂徐之履反韋昭音旨砮音奴韋昭乃固反涓按礪漢書作厲

傳曰砥細於礪皆磨石也砮石中矢鏃丹朱類正義

曰砥以細密為名礪以麤糲為稱鄭云礪磨刀刃石

也精者曰砥魯語曰肅慎氏貢楛矢石砮賈逵云砮

矢鏃之石也丹者丹砂王肅云可以為采夏氏曰山

海經謂荆山首自景山至琴鼓山凡二十有三而獲

多砥礪則荆州貢砥礪亦宜矣金氏曰礪砥今郢石

是也砮則今思播有之丹朱砂也今辰錦所出光明

砂及溪洞老鷄井所出尤佳滑按此四者皆石之類
子虛賦言雲夢之石曰珉玊厲張揖云玊厲黑
石可用磨也是礪砥出雲夢穀梁傳曰天子之楸
斲之礪之加密石焉范注云以細石磨之細石即
砥也

魯語仲尼在陳有隼集於陳侯之庭而死楛矢貫
之石弩其長尺有咫

八寸曰咫

以問仲尼仲尼曰隼之

來也遠矣此肅慎氏之矢也昔武王克商通道於

九夷八蠻於是肅慎氏貢楛矢石砮其長尺有咫

銘其楛曰肅慎氏之貢矢

楛箭羽之間

以分太姬配虞

胡公而封諸陳君若使有司求之故府其可得也

使求得之金櫝如之蘇子瞻石砮記曰余自儋耳

北歸江上得古箭鏃槩鋒而劔脊其廉可剝而其

質則石此即所謂楛矢石砮孔子不近取之荆梁

而遠取之肅慎則荆梁之不貢此久矣王明逸云

女直即古肅慎之地今尚產楛矢石砮石砮出黑

龍江口名水花石堅利入鐵子瞻之所見古荆梁
外微固宜有之也渭按孔子知為肅慎之矢者亦
以其長尺有咫耳非以荆梁不貢而徵諸肅慎也
荆梁即不貢中國豈絕無此物而射隼者必肅慎
乎子瞻說未當然因此可見古荆梁石砮之狀亦
佳話也

周禮揚州曰其利丹銀說文丹巴趙之赤石也外
象采丹井中丹形徐鍇曰得丹穴而富穴即井也

蘇頌圖經本草曰丹砂今出辰州宜州階州辰家
勝謂之辰砂其塊大者如雞子小者如石榴顆芙
蓉頭箭鏃連狀者碎之蘄巖作牆壁真辰砂也渭
按周書王會卜人以丹砂孔晁注曰卜人西南之
蠻丹砂所出王應麟補注曰太平御覽卜人蓋今
之濮人也伊尹為四方獻令正南百濮牧誓注濮
在江漢之南左氏傳巴濮吾南土也然則卜人實
荆域故貢丹砂也通典辰州貢光明砂四斤是辰

產最勝丹砂與金銀為一氣封禪書李少君曰丹砂可化為黃金後世方士又用諸藥合丹砂鍊制為銀孝經援神契云石潤苞玉丹精生金鶴頂新書云丹砂始生針石二百年成丹砂三百年而成鉛又二百年而成銀又二百年復化而為金李時珍曰今毋砂銀生五溪丹砂穴中色理紅光丹砂與金銀為一氣信矣

惟箇籛枯

釋文箇求隕反籛音路枯音戶

傳曰筩籥美竹楛中矢榦三物皆出雲夢之澤正義
曰鄭云筩籥聆風也竹有二名或大小異也肅慎氏
貢楛矢知楛中矢榦顏氏曰筩籥竹名楛木名也皆
可為矢曾氏曰董安于之治晉陽也公府之垣皆以
荻蒿苫楚廡之其高丈餘趙襄子發而試之其堅則
筩籥之所不能過也則筩籥竹之堅勁者其材亦中
矢之寄

籥一作籥說文筩籥也一曰博棊又云籥筩籥竹

名引夏書惟箇籟楛籩或作篋招魂曰篋蔽象棊
有六籩洪興祖補注云篋竹名故說文以箇為博
棊呂氏春秋曰駱越之箇則南越亦產此竹箇籟
或以為二種或以為一種未知孰是鄭謂大小異
名理或然也詩大雅曰瞻彼旱麓楛濟濟陸璣
草木疏云楛形似荆而赤莖似蒼上黨人織以為
牛筐箱器又屈以為婦人釵然則楛亦北地所有
但不中矢幹故必取諸荆耳

正義云三物皆出雲夢之澤當時驗之猶然滑按
楚語王孫圉云有藪曰雲連徒洲金木竹箭之所
生也韋昭謂即雲夢之藪故孔傳據以為言非必
當時驗之傳出魏晉間人手此又一證矣金者金
三品也木者柎榦枯柏楛也竹箭者筍箨也周禮
曰藪以富得民雲夢之藪富矣哉

古矢筈之材有竹有木竹二一為揚之篠一為荆
之筍箨也木二一為荆之楛一為冀之蒲也左傳

宣十二年晉厨子曰董澤之蒲注云蒲楊柳可以為箭河東聞喜縣東北有董池陂是蒲柳亦中矢
筇禹時在甸服故無貢

三邦底貢厥名

呂氏曰凡椀榦及楛十物非朝廷所常用必使之貢則勞民不使之貢則有用而或闕故惟使貢其名名者列其條目而貢之也聖人處事之精審如此渭按底貢厥名與錫貢意相似但揚豫所言止一物而此

則為物甚多故列其所須之名而使致貢於京師經
所以異其文曰底貢厥名也

林少穎云三邦之地經無明文難以考據按考工
記材之美者有妣胡之竒鄭注云胡子之國在楚
旁意者即三邦之故地歟渭按胡歸姓之國也漢
志汝南汝陰縣故胡國杜預左傳注同今鳳陽府
潁州西北有胡城廢縣是也胡國後為楚所并其
初亦不可謂在楚旁禹貢為豫州之域去雲夢絕

遠三邦當闕疑林說殊屬附會

傳云籩簠楛三物皆出雲夢之澤近澤三國皆致
貢之其名天下稱善張氏曰三物貢其尤美者厥
名猶言尤美也以此句專承三物恐非蘇氏曰三
邦大國次國小國也柁榦楛柏礪砥砮丹與籩簠
楛皆物之重者荊州去冀最遠而江無達河之道
難以必致重物故使此州之國不以大小但致貢
其名數而準其物易以輕賚致之京師重勞人也

林少穎云此說不然夫所謂任土作貢者皆其服食器用之物而不可闕故使準其本歲所輸之賦而貢於京師若謂當貢之物準其名數易以輕賚正非作貢之本意也滑按林說良是且揚州貢木更多梁州貢鐵砮等皆重物也而路尤遠於荆何以獨不易輕賚乎呂說勝孔亦勝蘇灼然可從

包匭菁茅

釋文匭音軌菁子
丁反徐音精馬同

傳曰匭匣也茅以縮酒正義曰匣是匱之小者菁茅

所盛不須大匱故用匣僖四年左傳齊桓公責楚云
爾貢包茅不入王祭不共無以縮酒郊特牲云縮酒
用茅明酌也特令此州貢茅茅當異於他處杜預云
茅之為異未審鄭玄以為菁茅茅之有毛刺者王氏
曰包匭菁茅者包且匭也物或筐或包至菁茅則包
且匭者正以供祭祀故嚴之也朱子曰古人榨酒不
以絲帛而以編茅王室祭祀之酒則以菁茅取其至
潔也吳氏曰揚州先篚後包此先包後篚者以菁茅

祀貢重物包而且匭故升在篚前渭按水經注云晉書地道志曰泉陵縣有香茅氣甚芳香言貢之以縮酒見湘水泉陵為零陵郡治蓋此茅潔且芳異於他處所產宜縮祭祀之酒故特令包匭而貢之

孔傳截包字為句而謂即橘柚王肅云揚州厥包橘柚從省而可知也此不須多辯只以左傳包茅二字析之足矣傳又以菁茅為二物曰菁以為菹茅以縮酒正義曰周禮醢人有菁菹鹿藿故知菁

以為菹鄭云菁葷菁也葷菁處處有之而今此州
貢者蓋以其味善也涓按呂氏春秋云具區之菁
則菁以揚產為美未聞荊州味善也且菁為七菹
之一何獨與縮酒之茅同其貴重鄭注此經以菁
茅為一物符合左傳確不可易

鄭云匭猶纏結也重之故既包裹而又纏結也張
子韶云安國謂匭為匣而礙於包故以包為橘柚
康成以包為裹而礙於匭故謂匭為纏結余謂此

物專供祭祀故以匱藏之又以複帕包匱而致嚴也學欲通古今不因見今日複帕包盤杆之屬則包匱之說終為孔鄭所惑矣渭按菁茅菁菁然華盛而氣更芬芳貢之者欲其色香不變故包而加之以匱包在內匱在外也恐與複帕包盤杆不同周禮甸師祭祀供蕭茅鄭興云蕭字或為蒿蒿讀為縮束茅立祭前酒沃其上酒滲下若神飲之故謂之縮杜注左傳用其說魏華父云古無灌茅之

義盱謂縮酒只是醴有糟故縮於茅以清之若曰
滲下去如神飲此臆說也滑按周禮司尊彝曰醴
齊縮酌注云以茅縮去滓也解縮字甚明仍不用
先鄭祭前沃酒之說

茅氏匯疏曰蠻溪叢笑云麻陽包茅山茅生三脊
孟康曰零茅揚雄曰瑇茅皆三脊也爾雅謂之藨
廣雅謂之芘芨本草云生楚地三月採陰乾猺人
以社前者為佳名鴉銜草今辰常並出包茅山在

麻陽縣東九十里靖州亦多有之渭按封禪書管仲謂桓公曰江淮之間一茅三脊所以為藉也其用不同恐別是一種易曰藉用白茅者是且江淮之間謂淮南江北也其在古荊州域者今為德安黃州二府地而未聞有異茅焉晉地道志亦不言香茅有三脊荊州所貢殆非管仲之所稱也湖南產茅處雖多終當以泉陵之香茅為正泉陵今永州府治零陵縣及所領祁陽縣皆其地也

吳幼清云菁茅所以供祭祀縮酒之用三邦底貢
其有名者舊以三邦底貢厥名屬上文籩簠楛非
是滑按孔疏云鄭玄以厥名下屬包匭菁茅吳說
本此審爾則經何不曰包匭菁茅三邦底貢厥名
乎其非可知

厥篚玄纁璣組

釋文纁許云反璣其依反又音璣
馬同玉篇渠依居沂二反組音祖

傳曰此州染玄纁色善故貢之璣珠類生於水組綬
類正義曰釋器云三染謂之纁李巡云三染其色已

成為絳纁絳一名也考工記云三入為纁五入為緹
七入為緇鄭云纁者三入而成又再染以黑則為緹
又再染以黑則為緇玄色在緹緇之間其六入者是
染玄纁之法也說文云璣珠不圓者故為珠類玉藻
說佩玉所懸者皆云組綬是組綬相類之物也張氏
曰組此州所善織維者吳氏曰玄染黑六入者七入
則為緇深黑矣纁染絳三入者四入則為朱深赤矣
璣組以璣穿結為組也渭按玄纁之質蓋織也其不

言織者蒙徐玄織之文從可知也此州產璣善為組
故貫珠於組以獻珠不入筐貫於組故筐之璣組是
一物當從吳說

沈氏筆談云古人謂幣為玄纁五兩者一玄一纁
為一兩玄赤黑象天之色纁黃赤象地之色故天
子六服皆玄衣纁裳以朱漬丹秫染之爾雅曰一
染謂之緜緜今之茜也色小赤再染謂之窺窺頰
也三染謂之纁蓋黃赤色也玄纁二物今之用幣

以皂帛為玄纁非也渭按考工記鍾氏染羽以朱

湛丹秬

湛子潛反

三月而熾之淳而漬之三入為纁五

入為緗七入為緇鄭謂六入為玄合諸爾雅唯四

入不知為何色吳幼清云四入為朱理或然也

璣珠之不圓者字書又云小珠也呂氏春秋曰人

不愛崑山之玉江漢之珠而愛已之蒼壁小璣李

斯諫逐客書曰宛珠之簪傅璣之珥是亦為婦人

首飾璣小而不圓故薛士龍云今荊州多蚌珠不

足貴也

禮記玉藻曰天子佩白玉而玄組綬公侯佩山玄玉而朱組綬大夫佩水蒼玉而純組綬世子佩瑜玉而綦組綬士佩璫玟而緼組綬此佩玉之組也玄冠丹組纓諸侯之齊冠玄冠綦組纓士之齊冠此冠纓之組也天子素帶終辟大夫素帶辟垂士練帶率下辟居士錦帶弟子縞帶并紐約用組三寸長齊于帶此帶紐約之組也組之為用有三唯

佩玉之組貫珠餘則否其制有珩璜瑤琚之名上
橫曰珩繫三組貫以蠙珠中組之半貫瑤末懸衝
牙兩旁組各懸琚璜又兩組交貫於瑤上繫珩下
繫璜行則衝牙擊璜而有聲也此州所貢正佩玉
之組君臣佩玉尊卑有等故或用珠或用璣焉

九江納錫大龜

傳曰尺二寸曰大龜出於九江水中正義曰史記龜
策傳云龜千歲滿尺二寸漢書食貨志云元龜距冉

長尺二寸故以尺二寸為大龜蘇氏曰寶龜不可常
得有則納之若以下錫上者然不在常貢之例薛氏
曰大龜國之所守其得不時不可以為常又不可錫
命使貢唯使有之則納錫於上林氏曰大龜至靈之
物不可以求而得九江之地有倘而得之若豫且者
則使之納錫於上錫者與師錫帝曰禹錫玄圭之錫
同意重其事也陳氏櫟曰錫貢如敷錫之錫上錫下
也納錫如師錫之錫下錫上也吳氏曰謂納不謂貢

明其非貢物也故於貢包篚之外別出此條邵氏曰
前知神物大疑是稽重其事必異其禮書法云乎哉
孔傳云龜不常用錫命而納之林少穎云如此則
何以異於錫貢薛說為當然東坡已先得之不待
薛也龜策傳曰神龜生於江水中廬江郡常歲時
生龜長尺二寸者二十枚輸太卜官是與常供無
異食貨志曰元龜為蔡非四民所得居有者入太
卜受直則王莽制也莽有所興造必欲依古得經

文此令殆規摹納錫之意

易曰或益之十朋之龜弗克違元吉楚語王孫圉
曰龜足以憲臧不則寶之食貨志元龜岨冉長尺
二寸直二千一百六十為大貝十朋孟康曰冉龜
甲緣也岨至也度背兩邊緣尺二寸也蘇林曰兩
貝為朋朋直錢二百一十六元龜十朋故二千一
百六十也蓋商周之際以龜貝為幣元龜一直大
貝二十是謂十朋之龜虞夏以龜神物而不為幣

非財貨比故重其事曰納錫也

祖伊曰格人元龜罔敢知吉元龜與格人並稱尊之至矣箕子所陳洪範大禹之法也有大疑謀及卜筮龜從筮逆猶可以作而龜逆則必不可以作古人之信龜篤於信筮故史蘇有筮短龜長之說邵氏云重其事必異其禮此意先儒所未及按周禮鄉老及鄉大夫羣吏獻賢能之書於王王再拜受之登於天府小司寇孟冬祀司民獻民數于王

則拜受之受大龜之錫當亦用此禮也

浮於江沱潛漢逾于洛至于南河

釋文逾
羊朱反

傳曰逾越也河在冀州南東流故越洛而至南河正義曰浮此四水乃得至洛本或潛下有于誤耳王氏曰凡曰逾皆水道不通遵陸而後能達也曾氏曰漢與洛不相通故曰逾于洛自洛以至豫州之河故曰至于南河程氏曰不徑浮江漢兼用沱潛者隨貢物所出之便或由經流或循支派期便事而已渭按江

北之地可徑浮潛漢而江南則必由江沱以入潛漢
江沱潛或由或否漢則其所必由者也

漢水北距洛水六七百里欲自漢逾洛則必沂山

源而上其惟丹水乎漢志弘農郡丹水縣下云水

出上雒冢領山東至析入鈞

師古曰鈞亦水名按今南陽府內鄉縣西

南百二十里有丹水故城南去丹水二百步縣西有浙陽故城本漢析縣也

上雒縣下

云禹貢雒水出冢領山東北至鞏入河

今陝西西安府商州

治即漢上洛縣也洛南縣亦上洛地鞏縣今屬河南府

水經注丹水出京兆

上洛縣西北冢領山

商州志秦嶺在州西八十里其地有澗曰息邪澗丹水所

出東南流與清池水合

水出東北清池山

又東南逕其縣

南楚水注之

水出縣西南楚山昔四皓隱於此

丹水自倉野又東

歷菟和山

左傳哀四年楚人謀北方司馬起豐析以臨上洛左師軍於菟和右師軍於倉

野杜預曰上洛縣東有菟和山今商州南百四十里有蒼野聚

又東南逕商縣南

歷少習出武關

應劭曰秦之南關也通南陽郡左傳哀四年楚左司馬使謂晉陰地

大夫曰將通於少習以聽命京相璠曰楚通上洛阨道也漢祖下析酈攻武關文穎曰武關在析縣

西一百七十里按今商州東有商洛廢縣即漢商縣也商南山陽鎮安三縣亦商縣地武關在州東

一百八十里 又東南流入曰口歷其戍下又東南浙水

注之

水出析縣西北盧氏縣大嵩山南流逕修陽故城北又東逕析縣故城北春秋之白羽也

又歷其縣東南流至丹水縣注于丹水

又東南逕三戶城又逕丹水

縣故城西南

縣有密陽鄉古商密之地楚申息之師所戍春秋之三戶也今內鄉縣西

南有三戶城

又東南流至其縣南

水南有丹崖山頽壁霞舉

又南逕

南鄉縣故城東北

城在今南陽縣西南百里本漢析縣地

又東歷於

中之北所謂商於者也

張儀說楚絕齊許以商於之地六百里即此裴駟曰

有商城在於中故曰商於杜佑曰今內鄉西七里有於村亦曰於中

丹水又南合洧

水

汭音市若切蓋汭謂之淝口

均水注云均水出盧氏縣熊耳山東

南流逕其縣下南逕南鄉縣又南與丹水合又南逕順陽縣西有石山南臨汭水汭水又南流注于

汭水謂之汭口按今南陽府淝川縣東北三十里有順陽故城本漢淝縣之順陽鄉也此注汭亦誤

為渭按汭水注云汭水自武當縣城東

城即今襄陽府均州

治

又東南逕涉都縣東北

本疏陽縣之涉都鄉

均水於此入

汭謂之均口在今穀城縣界均鈞同或从水作汭

韻會均字下云隋置均州取汭水名之是汭即均

也史承水經之誤曰汭口晉桓温伐秦水軍自襄

陽入洧口至南鄉是也或又曰洧均口齊陳顯達
攻魏馬圈軍入洧均口是也楚通少習漢入武關
皆在丹水之旁而南朝北伐其舟師必由均口而
進可見為南北水陸之孔道商州西北諸山皆秦
嶺也冢領亦秦嶺之別名丹水出其東南洛水出
其東北中隔一嶺陸行當不甚遠禹貢逾洛之道
計無便於此者以今輿地言之浮漢水至穀城縣
東北入均口泝丹水而上經浙川南陽內鄉抵商

州導源之處越豕領而北浮洛水經盧氏永寧宜陽洛陽偃師至鞏縣以達于南河此荊州之貢道也

自漢逾洛之道黃文叔云舍舟陸運出汝葉金吉甫云自漢入丹河白水河即踰山路入洛今按陸行出汝葉則必更天息女几嵩少轅轅諸山中崎嶇二三百里貢道必不由此丹河即丹水白水河蓋謂清水是兩道清出水出盧氏縣熊耳山沂此水

而上亦可逾于洛然洛水在縣南五里消源北去

縣百五十里宋元嘉中伐魏龐季明柳元景皆從

山谷中度軍出盧氏不聞有水道消洛之間陸運

百五十里殊費民力唯丹水為自楚入秦之捷徑

水多陸少逾洛從此無疑

唐書崔湜建言山南可引丹水通漕至商州自

商饒山出石門北抵藍田可通輓道以湜充使開大昌關役徒數萬竟不通按此亦用丹水而欲鑿山為輓道直抵藍田即令其道得通而傷財害民與逾洛之事大不侔矣

或問底柱三門之險古今所同患荆豫及兗青徐

揚與冀之東北境貢入帝都必由南河經底柱將
若之何曰唐裴耀卿於三門東西置倉開山十八
里為陸運以避其險疑禹時亦用此法貢物輕約
易齎與漕穀不同避險從陸而改舟以達平陽無
難也然底柱初析闕流之害除或不若後世之險
絕亦未可知

禹貢錐指卷七